

**Datos Do Expediente:**

XUNTA DE GOBERNO LOCAL	
Unidade Tramitadora:	
Organos de Goberno e Central -	
Número expediente:	Documento:
AYT/XGL/7/2022	GOB16I041
2G5H4F1U0V6Z1S2Q003C	

ACORDOS DA XUNTA DE GOBERNO LOCAL, DE DATA VINTECATRO DE FEBREIRO DE DOUS MIL VINTEDOUS

<p>SRES/AS ASISTENTES:</p> <p><u>SRA ALCALDESA-PRESIDENTA:</u> MARIÁN FERREIRO DÍAZ</p> <p><u>SRES/AS CONCELLEIROS/AS:</u> D/D^a GUILLERMO SANCHEZ FOJO D/D^a MANUEL ANTONIO RAMOS RODRIGUEZ D/D^a ROMAN ROMERO FRANCO D/D^a MARIA DE LA MERCED TAIBO REY D/D^a M.DEL MAR GOMEZ CASAL D/D^a JOSE OREONA BRA D/D^a JOSE DAVID PITA BREIJO</p> <p><u>SRA. INTERVENTORA XERAL:</u> D/D^a MARIA DEL PILAR CANZOBRE MÉNDEZ</p> <p><u>SR. SECRETARIO XERAL:</u> D/D^a ALFONSO DE PRADO FERNÁNDEZ-CANTELI</p>	<p>Na casa do Concello de Narón, ás 11:00 do vintecatro de febreiro de dous mil vintedous, baixo a presidencia da Sra. A ALCALDESA-PRESIDENTA, MARIÁN FERREIRO DÍAZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretario ALFONSO DE PRADO FERNÁNDEZ-CANTELI, O SECRETARIO XERAL.</p> <p>Aberta a sesión de orde da presidencia adoptáronse os acordos seguintes:</p>
---	---

1º.- APROBACIÓN, SE PROCEDE, DA ACTA DA SESIÓN ANTERIOR.

Dada conta da acta da sesión anterior, a Xunta de Goberno Local, deulle a súa aprobación.

2º .- PROPOSTA DE RATIFICACIÓN DE CESIÓN URBANÍSTICA NO LG. BORRALLADA-SEDES.-

(...)

PRIMEIRO. Aceptar a cesión gratuíta de terreo efectuada por Dna. María Pilar Carrera Tellado, para destinalo a vial.

SEGUNDO.- Incorporar a superficie descrita ó patrimonio municipal.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

3º .- PROPOSTA DE RATIFICACIÓN DE CESIÓN URBANÍSTICA NA R/CORNIDO S/N.- (...)

PRIMEIRO. Aceptar a cesión gratuíta de terreos efectuada por Dna. María Isabel Rodeiro Rego e outros, para destinalos a viais.

SEGUNDO.- Incorporar a superficie descrita ó patrimonio municipal.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

4º.- PROPOSTA DE APROBACIÓN DA SOLICITUDE DE SUBVENCIÓN Á CONSELLERÍA DE EMPREGO E IGUALDADE PARA A CONTRATACIÓN DE PERSOAL TÉCNICO PARA A REALIZACIÓN DE ACTIVIDADES DE ORIENTACIÓN LABORAL NO EJERCICIO 2022.-

Vista a proposta formulada que di así: Visto o informe-proposta cuxa literalidade se transcribe a continuación:

“ASUNTO: Solicitud de subvención a Consellería de Emprego e Igualdade, para a contratación de persoal técnico para a realización de actividades de orientación laboral no exercicio 2022.

A Xefa do Servizo Sociocomunitario Municipal, Yolanda Martínez García, en relación co expediente relacionado no asunto emite o seguinte informe-proposta:

ANTECEDENTES:

A Consellería de Emprego e Igualdade, publica no DOG nº 17 de 26 de xaneiro de 2022, a orde de 23 de decembro de 2021, pola que se establecen as bases reguladoras e a convocatoria pública para a concesión de subvencións para a contratación de persoal técnico para a realización de actividades de orientación laboral no exercicio 2022

Visto que se reúnen os requisitos establecidos no artigo 2 da orde para ser beneficiario, e tendo e conta que o artigo 4 establece que “a contía máxima da subvención que se concederá con carácter xeral será de 26.000,00€ por cada persoa técnica de orientación laboral contratada a tempo completo por un período de 12 meses, tomando como referencia os custos de contratación totais, incluída a cotización empresarial á Seguridade Social”.

Co obxecto de solicitar a subvención referenciada, así como o período de contratación (1 de febreiro de 2022 a 31 de xaneiro de 2023), o Servizo Sociocomunitario elabora o seguinte cadro de Financiamento:

Importe total do proxecto	50.701,78€
Subvención solicitada a Consellería de Economía, Emprego e Industria.	26.000,00€
Achega Municipal	24.701,78

FUNDAMENTOS XURÍDICOS:

ACHEGA MUNICIPAL- PERÍODO DE PRÓRROGA DO CONTRATO 01-02-2022 A 31-01-2023			
APLICACIÓN ECONÓMICA	2022	2023	TOTAL
2410/13100	14.198,39€	1.117,86€	15.316,25€
2410/13105	3.222,51€	273,35€	3.495,86€
2410/16000	5.388,76€	500,91€	5.889,67€
Total	22.809,66€	1.892,12€	24.701,78€

ACHEGA AUTONÓMICA- PERÍODO DE PRÓRROGA DO CONTRATO 01-02-2022 A 31-01-2023			
APLICACIÓN ECONÓMICA	2022	2023	TOTAL
2410/13100	14.944,60€	1.176,61€	16.121,21€
2410/13105	3.391,87€	287,71€	3.679,58€
2410/16000	5.671,97€	527,24€	6.199,21€
Total	24.008,44€	1.991,56€	26.000,00€

- Lei 7/1985, de 2 de abril, Reguladora das Bases do Réxime Local
- Lei 38/2003, de 17 de novembro, Xeral de Subvencións
- Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións
- Lei 9/2007, de 13 de xuño, de subvencións de Galicia
- Lei 27/2013, de 27 de decembro, de racionalización e sostenibilidade da Administración Local
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración Local.
- Lei 39/2015 de 1 de outubro, do Procedemento Administrativo Común das Administracións Públicas.
- Orde de 23 de decembro de 2021, publicada no DOG nº 17 de 26 de xaneiro de 2022.
- Bases de execución do orzamento en vigor.

POR TODO O EXPOSTO, A XEFA DO SERVIZO SOCIOCOMUNITARIO MUNICIPAL, YOLANDA MARTÍNEZ GARCÍA, INFORMA Á CONCELLEIRA DELEGADA DE FORMACIÓN, PARA QUE ELEVE Á XUNTA DE GOBERNO LOCAL, A ADOPCIÓN DAS SEGUINTE PROPOSTAS:

1º.- Aprobación dunha solicitude de subvención por importe 26.000,00€, á Consellería de Emprego e Igualdade, para a contratación de persoal técnico para a realización de actividades de orientación laboral no exercicio 2022, ao abeiro da convocatoria publicada no DOG nº 17 de 26 de xaneiro de 2022 (orde de 23 de decembro 2021), pola que se establecen as bases reguladoras e a convocatoria pública para a concesión de subvencións para a contratación de persoal técnico para a realización de actividades de orientación laboral no exercicio 2022.



2º.- A Achega do concello financiarase con cargo ás aplicacións orzamentarias 2410/13100, 2410/13105 e 2410/16000, tal como queda reflexado nos cadros de financiamento anteriores.

3º.- O importe da subvención en caso de ser concedido por debaixo da cantidade solicitada, non suporá a renuncia á subvención, e financiarase con cargo á aplicación orzamentaria sinalada.

4º.- Nomear a Marián Ferreiro Díaz, Alcaldesa-Presidenta, representante para as relación desta entidade coa Consellería de Emprego e Igualdade no referente a esta solicitude de subvención.”

E unha vez fiscalizado coa toma de razón pola Intervención Municipal en data 17/02/2022 o documento SSO16I0AO do expediente EMP/4/2022, quen subscribe, Concelleira de Formación (delegada por Resolución da Alcaldía de data 25/06/2019), **PROPÓN Á XUNTA DE GOBERNO LOCAL** que acorde:

Aprobar o informe-proposta anteriormente transcrito nos seus mesmos termos.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

5º.- PROPOSTA DE SOLICITUDE DE SUBVENCIÓN PARA O ACONDICIONAMENTO DE BEIRRARRÚAS E APARCAMENTO EN AV. CASTELAO E AV. DO MAR (POLIGONO ENSENADA DA GÁNDARA).- Vista a proposta formulada que di así: A funcionaria de Asistencia a Secretaría, en data 18/02/2022, elevou a esta Alcaldía o informe-proposta de código ASI16I02N que di:

“

TIPO DE DOCUMENTO	Informe-Proposta de Acordo de Xunta de Goberno Local
EXPEDIENTE	ASI/22/2022: Subvención para o acondicionamento de beirrarrúas e aparcamento en Av. Castelao e Av. Do Mar (Polígono Ensenada da Gándara)
DESTINATARIO	Alcaldía / Servizos Económicos
ASUNTO	Solicitude de subvención

O pasado 26 de xaneiro de 2022 publicouse no DOG a Orde, da Vicepresidencia Segunda e Consellería de Economía, Empresa e Innovación, do 27 de decembro de 2021 pola que se establecen as bases reguladoras para a concesión, en réxime de concorrencia competitiva, das axudas encamiñadas á habilitación e mellora de infraestruturas dos parques empresariais da Comunidade Autónoma de Galicia, e se procede á súa convocatoria para o ano 2022 (código de procedemento IN519B).

Ao abeiro de dita orde resulta subvencionable a actuación proposta pola Concelleiro Delegado de Obras Públicas, que obra no expediente, relativa ao acondicionamento de beirrarrúas e aparcamento en Av. Castelao e Av. Do Mar (Polígono Ensenada da Gándara). A modo de resumo, ditas actuacións consisten na mellora da seguridade viaria dos peóns coa reforma da beirrarrúa e algúns dos servizos nela recollidos, así mesmo a mellora dos aparcamentos nos viais escollidos (Av. Castelao, rúa Otero Pedrayo e Av. do Mar).

O importe estimado das actuacións ascende aos 175.603,48 €. O acollemento á mencionada convocatoria, supón un importe máximo de subvención de 120.000,00 € (68,33 % do total), o que supón unha achega mínima municipal de 55.603,48 €.

Resultan de aplicación, para solicitar a subvención, os seguintes

FUNDAMENTOS DE DEREITO:

- Resolucións da Alcaldía, do 25 de xuño de 2019, sobre designación de Tenentes de Alcalde, delegados da alcaldía, membros da Xunta de Goberno Local e das delegacións feitas pola Alcaldía na Xunta de Goberno

Local. Nesta resolución, a Alcaldía-Presidencia delega na Xunta de Goberno Local, entre outras facultades, a solicitude de subvencións a outras administracións públicas, así como a súa aceptación e xustificación, no seu caso.

- Bases de execución dos Orzamentos do ano 2022. Concretamente a base 52, apartado 1, sinala que as solicitudes de subvencións ou propostas de achega a outros organismos ou institucións que se sometan á aprobación da Xunta de Goberno Local deberán ir acompañadas dun plan de financiamento con indicación das cantidades correspondentes, no seu caso, á achega do Concello e das aplicacións orzamentarias de procedencia. A tal efecto, quen subscribe elaborou o plan de financiamento adxunto de código ASI16I02M. Logo da publicación da concesión definitiva da subvención, procederá a xeración do importe concedido na aplicación orzamentaria sinalada en dito plan.

Polo anteriormente exposto, quen subscribe solicita á Alcaldía-Presidencia que someta a debate e votación da Xunta de Goberno Local a seguinte

PROPOSTA DE ACORDO:

PRIMEIRO: Aprobar o seguinte plan de financiamento provisional (que aquí se amosa resumido) para a “Subvención para o acondicionamento de beirarrúas e aparcamento en Av. Castelao e Av. Do Mar (Polígono Ensenada da Gándara)”, de acordo co establecido no informe adxunto de código ASI16I02M e que aquí se amosa resumido:

Proxecto	Acondicionamento de beirarrúas e aparcamento en Av. Castelao e Av. Do Mar (Polígono Ensenada da Gándara)
Importe total	175.603,48 €
Importe solicitado	120.000,00 €
Achega municipal	55.603,48 €
Aplicación orzamentaria	1532 61900 (Pavimentación Vías Públicas – Outros investimentos en reposición de infraestruturas)

No momento de aceptar, no seu caso, a subvención, procederá a tramitación do correspondente expediente de modificación de crédito para facer fronte á achega municipal.

SEGUNDO: Solicitar da Vicepresidencia Segunda e Consellería de Economía, Empresa e Innovación a subvención para o “Acondicionamento de beirarrúas e aparcamento en Av. Castelao e Av. Do Mar (Polígono Ensenada da Gándara)”, por importe de 120.000,00 €.

A través desta solicitude, o Concello de Narón acepta as condicións de financiamento e demais requisitos establecidos na orde para o devandito proxecto.

TERCEIRO: Manifestar expresamente, de acordo co establecido no artigo 6, apartado 2.II, de acometer a actuación obxecto da solicitude de axuda.

CUARTO: Designar á Alcaldesa-Presidenta, Dna. Marián Ferreiro Díaz, como representante do Concello para as relacións co mencionado organismo para os actos derivados da execución deste acordo.

“Visto dito informe e logo da toma de razón da Intervención deste Concello, segundo o documento adxunto de código **ICO16I02N**, esta Alcaldesa propón á Xunta de Goberno Local:

Adoptar o acordo segundo a proposta transcrita en todos os seus termos.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

6º .- **PROPOSTA DE SOLICITUDE DE SUBVENCIÓN PARA A MELLORA DA EFICIENCIA ENERXÉTICA DA ILUMINACIÓN DO CENTRO DE FORMACION MUNICIPAL IRMÁNS FROILAZ (FASE II).**- Vista a proposta formulada que di así: A funcionaria de Asistencia a Secretaría, en data 21/02/2021, elevou a esta Alcaldía o informe-proposta de código ASI16I02Y que di:



TIPO DE DOCUMENTO	<i>Informe-Proposta de Acordo de Xunta de Goberno Local</i>
EXPEDIENTE	<i>ASI/26/2022: Subvención para a mellora da eficiencia enerxética da iluminación do Centro de Formación Municipal Irmáns Froilaz (FASE II)</i>
DESTINATARIO	<i>Alcaldía / Servizos Económicos</i>
ASUNTO	<i>Solicitud de subvención</i>

O pasado 25 de xaneiro de 2022 publicouse no DOG a ORDE do 29 de decembro de 2021, da Vicepresidencia Primeira e Consellería de Presidencia, Xustiza e Turismo, pola que se regulan os criterios de repartición e se establecen as bases reguladoras e a convocatoria de subvencións da liña en concorrencia non competitiva e da liña en concorrencia competitiva do Fondo de Compensación Ambiental para o ano 2022, de forma individual e mediante o sistema de xestión compartida, destinadas a entidades locais de Galicia.

Ao abeiro de dita orde, a Alcaldesa deste Concello, consultado o Concelleiro Delegado de Servizos, subscribiu a memoria explicativa para a “Mellora da eficiencia enerxética da iluminación do Centro de Formación Municipal Irmáns Froilaz (FASE II)”, que comprende a adquisición dos diferentes equipos de tecnoloxía LED por importe total de 7.401,57 €.

O acollemento á mencionada convocatoria, en liña non competitiva, supón unha porcentaxe de cofinanciación do 100,00%, ao non acadar o orzamento o máximo asignado para este Concello nesa liña (7.401,60 €).

Resultan de aplicación, para solicitar a subvención, os seguintes

FUNDAMENTOS DE DEREITO:

- Resolucións da Alcaldía, do 25 de xuño de 2019, sobre designación de Tenentes de Alcalde, delegados da alcaldía, membros da Xunta de Goberno Local e das delegacións feitas pola Alcaldía na Xunta de Goberno Local. Nesta resolución, a Alcaldía-Presidencia delega na Xunta de Goberno Local, entre outras facultades, a solicitude de subvencións a outras administracións públicas, así como a súa aceptación e xustificación, no seu caso.

- Bases de execución dos Orzamentos do ano 2022. Concretamente a base 52, apartado 1, sinala que as solicitudes de subvencións ou propostas de achega a outros organismos ou institucións que se sometan á aprobación da Xunta de Goberno Local deberán ir acompañadas dun plan de financiamento con indicación das cantidades correspondentes, no seu caso, á achega do Concello e das aplicacións orzamentarias de procedencia. A tal efecto, quen subscribe elaborou o plan de financiamento adxunto de código ASII6I02X. Logo da publicación da concesión definitiva da subvención, procederá a xeración do importe concedido na aplicación orzamentaria sinalada en dito plan.

Polo anteriormente exposto, quen subscribe solicita á Alcaldía-Presidencia que someta a debate e votación da Xunta de Goberno Local a seguinte

PROPOSTA DE ACORDO:

PRIMEIRO: Aprobar o seguinte plan de financiamento provisional (que aquí se amosa resumido) para a subvención para a “Mellora da eficiencia enerxética da iluminación no Centro de Formación Municipal Irmáns Froilaz (FASE II)”, de acordo co establecido no informe adxunto de código ASII6I02X e que aquí se amosa resumido:

Proxecto	Mellora da eficiencia enerxética da iluminación do Centro de Formación Irmáns Froilaz (FASE II)
Importe total	7.401,57 €
Importe solicitado	7.401,57 €
Achega municipal	-

SEGUNDO: Solicitar da Vicepresidencia Primeira e Consellería de Presidencia, Xustiza e Turismo a subvención da liña en concorrencia non competitiva do Fondo de Compensación Ambiental, por valor de 7.401,57 €, para a “Mellora da eficiencia enerxética da iluminación do Centro de Formación Municipal Irmáns Froilaz (FASE II)”.

A través desta solicitude, o Concello de Narón acepta as condicións de financiamento e demais requisitos establecidos na orde para o devandito proxecto.

TERCEIRO: Designar á Alcaldesa-Presidenta, Dna. Marián Ferreiro Díaz, como representante do Concello para as relación co mencionado organismo para os actos derivados da execución deste acordo.

Visto dito informe e logo da toma de razón da Intervención deste Concello, segundo o documento adxunto de código **ICO16I02S**, esta Alcaldesa propón á Xunta de Goberno Local:

Adoptar o acordo segundo a proposta transcrita en todos os seus termos.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

7º .- PROPOSTA DE PARTICIPACIÓN DO CONCELLO NO PLAN DE MELLORA DE CAMIÑOS MUNICIPAIS DE ACCESO A PARCELAS AGRÍCOLAS 2022-2023, E SOLICITUDE DE SUBVENCIÓN Á AXENCIA GALEGA DE DESENVOLVEMENTO RURAL, NO MARCO DO DITO PLAN, PARA A ACTUACIÓN DENOMINADA "REFORZO DE RODADURA NOS CAMIÑOS DE CASAL E NOVÁS".- Vista a proposta formulada que di así: En relación ao expediente denominado “Subvención, de Axencia Galega de Desenvolvemento Rural, no marco do Plan de Mellora de Camiños Municipais de acceso a parcelas agrícolas 2022-2023”, o Técnico de Servizos Xerais, en data 22 de febreiro de 2022, elevou a esta Alcaldía-Presidentencia o informe-proposta que di:

“En relación coa Resolución, da Axencia Galega de Desenvolvemento Rural (AGADER) do 29 de decembro de 2021 para a concesión directa, mediante resolución, das axudas correspondentes ao Plan de mellora de camiños municipais de acceso a parcelas agrícolas 2022-2023, publicada no DOG do martes 25 de xaneiro de 2022, emítase o seguinte

INFORME-PROPOSTA

Sinalan os antecedentes da resolución referida que as infraestruturas rurais xeran cohesión social e territorial, mellorando as condicións de vida e traballo no medio rural; en particular, por unha banda, os camiños rurais facilitan a accesibilidade e vertebración do territorio, e por outra, contribúen ao aumento da competitividade agraria e forestal, xa que facilitan o tránsito de maquinaria ás explotacións agrarias, o que redonda nunha maior axilidade das operacións agrarias, nunha redución de custos e dos tempos necesarios para poñer os produtos no mercado. E, como toda infraestrutura, precisan dun mantemento e acondicionamento para que poidan seguir cumprindo coas súas funcións.

As axudas, de acordo do art. 1 da resolución, consistirán en subvencións directas de capital. O procedemento tramitarase en réxime de concesión directa, ao abeiro do artigo 19.4.c) da Lei 9/2007, do 13 de xuño, de subvencións de Galicia, en relación cos artigos 36.1.c) e 40 do Decreto 11/2009, do 8 de xaneiro, polo que se aproba o regulamento da citada lei.



No anexo II do documento recóllese a asignación máxima a este Concello, que ascende a 53.676,00 €, distribuídos nas anualidades 2022 (12.829,00 €) e 2023 (40.847,00 €).

Dentro deste Plan, é intención deste Concello incluír a actuación denominada “Reforzo de rodadura nos camiños de Casal e Novás”. A obra ten por obxecto proceder á repavimentación (reposición da rodadura) de dous viais programados polas respectivas concentracións parcelarias dos anos setenta:

- O camiño de Casal, dentro da parroquia de O Val, en zona de numerosas explotacións gandeiras e hortofrutícolas, de lonxitude 671 m.
- O camiño de Novás, na parroquia de Pedroso, con explotación gandeiras e de pastoreo, de lonxitude 568 m.

Ambos os dous camiños foron pavimentados hai mais de 20 anos, con triplo rego asfáltico, sendo necesaria a súa renovación integral.

Á vista do proxecto de obras, entende este Concello que a actuación ten encaixe dentro do art. 4 da resolución (Actuacións subvencionables), e concretamente, nas letras a, b e c do apartado 1, correspondentes, respectivamente, á ampliación, mellora e mantemento desta clase de camiños.

O Presuposto de Execución por Contrata das obras, de acordo co proxecto de execución elaborado polo Arquitecto Técnico D. J. Manuel Saavedra Pantín, a solicitude deste Concello, ascende a 76.664,31 €. Por outra banda, o Concello deberá contratar o servizo de control de calidade, que constituirá un gasto elixible, estimándose ao efecto un orzamento de 1.335,69 €. Deste xeito, o importe total da actuación ascende aos 78.000,00 €.

Neste sentido e en cumprimento do establecido na base de execución nº 52.1 dos Orzamentos municipais en vigor, acompáñase esta proposta do plan de financiamento de carácter provisional, a reserva dos termos da concesión, no seu caso, da subvención solicitada.”

Visto este informe, e logo da toma de razón pola Intervención Xeral, en data 22 de febreiro de 2022, esta Alcaldía-Presidencia propón, á Xunta de Goberno Local, a adopción do seguinte

ACORDO

PRIMEIRO: Participar no Plan de Mellora de Camiños Municipais de acceso a parcelas agrícolas 2022-2023, segundo a resolución da Axencia Galega de Desenvolvemento Rural de 29 de decembro de 2021.

SEGUNDO: Solicitar a inclusión en dito Plan da obra: “Reforzo de rodadura nos camiños de Casal e Novás”, cun orzamento de 76.664,31 €, xunto coa contía correspondente ao servizo de control de calidade da obra, cun orzamento de 1.335,69 €, o que fai un total para esta actuación de 78.000,00 €.

TERCEIRO: Solicitar, ao abeiro do Anexo II de dito Plan, a solicitude de subvención de 53.676,00 € á Axencia Galega de Desenvolvemento Rural.

CUARTO: Aprobar o cadro de financiamento provisional para esta actuación, segundo documento adxunto a esta proposta, e resumido como segue:

Proxecto	Reforzo de rodadura nos camiños de Casal e Novás
Importe total	78.000,00 €

Recursos externos (2022)		12.829,00 €
Fondos propios (2022)	1532.61900	65.171,00 €

QUINTO: Facultar á Alcaldesa-Presidenta, Marián Ferreiro Díaz, á representación deste Concello en cantos trámites sexan necesarios coa Axencia Galega de Desenvolvemento Rural en relación con este procedemento.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

8º.- ROGOS E PREGUNTAS

Non se formularon.

V. e pr.

F_FIRMA_96

F_FIRMA_4